

U skladu sa Zakonom o javnim nabavkama u BiH („Službeni glasnik BiH“, br. 39/149) i Pravilnikom o postupku direktnog sporazuma Instituta za historiju, a na osnovu Odluke o pokretanju postupka javne nabavke direktnim sporazumom broj: 03-01-286/17 od 04. 05. 2017. godine zaključuje se

UGOVOR O NABAVCI USLUGA ŠTAMPANJA

NARUČILAC:

Institut za historiju
Adresa: Alipašina br. 9, 71000 Sarajevo
Zastupnik: dr. Senija Milišić, direktor

IZVRŠILAC:

„Dobra knjiga“ d.o.o. Sarajevo
Adresa: Put Famosa 38, Ilidža
Zastupnik: Izedin Šikalo

Član 1.

Predmet ovog Ugovora je štampanje knjige: *Od dućana do pozorišta – Sarajevska trgovačka elita 1851.- 1878.* čiji je izdavač Institut za historiju Univerziteta u Sarajevu.

Član 2.

Ugovor se sklapa na osnovu provedenog postupka javne nabavke putem direktnog sporazuma, odnosno na osnovu Odluke o prihvatanju prijedloga cijene za usluge štampanja knjige broj: 03-01-301/17 od 05. 05. 2017. godine, a u skladu sa specifikacijom kako slijedi:

R.b.	Naslov	Obim	Tiraž	Karakteristike
1.	<i>Od dućana do pozorišta – Sarajevska trgovačka elita 1851.- 1878.</i>	360 stranica + korice	300 kom.	Format: 160X240mm, uvez: meki, papir: 80 gr offsetni, papir korica: 350 gr matt, štampa KB: 1/1, štampa korice: 4/0, plastifikacija: korice matt 1/0

Član 3.

Ugovorne strane su saglasne da će se usluga štampanja vršiti prema tehničkoj specifikaciji i finansijskim mogućnostima Naručioca.

Član 4.

Ugovorene cijene su fiksne i ne podliježu promjenama.

Član 5.

Cijena usluge ugovara je formirana u skladu sa cijenom iz Ponude broj 1053/17 od 04. 05. 2017. godine, a koja je dostavljena u postupku javne nabavke putem direktnog sporazuma.

Ukupna vrijednost usluge štampanja prema prihvaćenoj ponudi iz prethodnog stava **iznosi 1.740,00 KM bez PDV-a, odnosno 2.035,80 KM sa uračunatim PDV-om.**

Ugovorena cijena sadrži i troškove transporta.

Član 6.

Ugovorne strane su saglasne da će Naručilac isplatiti ugovorenu cijenu u roku od 15 dana od dana prijema uredno ispostavljene fakture. Naručilac se obvezuje ispostavljeni račun platiti na žiro-račun izvršioca broj 1011010000614628 koji se vodi kod Privredne banke Sarajevo.

Član 7.

Izvršilac se obavezuje naručiocu, nakon potpisivanja ovog ugovora, izvršiti isporuku predmeta usluge štampanja najkasnije 15 dana od dana zaključivanja ugovora.

U slučaju prekoračenja roka iz prethodnog stava ovog člana, Izvršilac je obavezan Naručiocu platiti kaznu u iznosu od 5 % vrijednosti ugovora za svaki dan zakašnjenja.

Izvršilac će predmet usluge štampanja isporučiti na lokaciju naručioca: Univerzitet u Sarajevu - Institut za historiju, ulica Alipašina 9, Sarajevo.

U trenutku predaje predmeta nabavke naručiocu, izvršilac će predati uredno popunjenu otpremnicu, na kojoj će biti označeno: naziv i vrsta usluge, jedinica mjere, količina i cijena usluge.

Član 8.

Izvršilac se obavezuje da posao obavi stručno i kvalitetno, na visokom profesionalnom nivou, u skladu sa normativima, standardima i tehničkim propisima koji važe za ovu vrstu posla, sopstvenom opremom i radnom snagom i svojim materijalom, uz potpuno uvažavanje standarda i običaja koji se primjenjuju u navedenoj struci (navedeno, između ostalog, podrazujeva da kvalitet papira, otisak slova i boja, kvalitet korištenog papira, uvezanost stranica u cjelinu i slično, moraju biti urađeni kvalitetno i u skladu sa standardima za ovakvu vrstu posla).

U slučaju da Izvršilac isporuči štampani materijal lošeg kvaliteta dužan je da, o svom trošku, izvrši ispravku – doradu, a ako se nedostaci ne mogu otkloniti, dužan je da nadoknadi Naručiocu svu nastalu štetu.

Član 9.

Izvršilac je saglasan da reklamacije na kvalitet izvršene usluge, odnosno kvalitet izrade, Naručilac može da podnese po preuzimanju predmeta nabavke, a najkasnije u roku od 15 (petnaest) dana, a za skrivene nedostatke, kao i za manjak primjeraka, do rasprodaje tiraža.

Član 10.

Ugovorne strane su saglasne da je odstupanje od ugovorenih tehničkih uslova štampanja moguće samo uz obostranu saglasnost ugovornih strana.

Član 11.

Naručilac se obavezuje da Izvršiocu dostavi pripremljen materijal za štampu koji predstavlja vlasništvo Naručioca.

Izvršilac se obavezuje da materijal iz stava 1.ovog člana, nakon izvršenog posla vrati Naručiocu.

Član 12.

Ugovorne strane su saglasne da, u slučaju kada konstatuje da isporučena usluga štampanja i materijala nije odgovarajućeg kvaliteta ili nije fakturisana po ugovorenoj cijeni, odnosno nije u skladu sa tehničkom specifikacijom, Naručilac može da vrati predmet usluge štampanja Izvođaču, u kom slučaju Izvođač ne ostvaruje pravo na naplatu vraćenog štampanog materijala.

Član 13.

Izvršilac je saglasan da Naručilac može jednostrano da raskine ugovor u slučaju neispunjenja ugovora

od strane Izvršioca, uz povrat isplaćenih sredstava sa zakonskom zateznom kamatom od dana uplate do konačne isplate.

Član 14.

Ugovor stupa na snagu danom potpisivanja ovlaštenih osoba ugovornih strana.

Član 15.

Ugovorne strane su saglasne da svaka ugovorna strana može, u pisanoj formi, da otkáže ugovor, uz otkazni rok od 15 (petnaest) dana.

Otkazni rok teče od dana prijema otkaza.

Član 16.

U slučaju da nakon zaključivanja Ugovora nastupe neočekivane okolnosti, koje ugovorne strane nisu mogle predvidjeti niti izbjeći, čija je posljedica nemogućnost ispunjenja ugovornih obaveza, strana koja je saznala za njeno nastupanje dužna je o tome pismeno obavjestiti drugu stranu, u roku od 3 dana od nastupanja više sile.

Član 17.

Sve eventualne sporove proizašle iz ovog Ugovora stranke potpisnice će nastojati riješiti u duhu dobrih poslovnih običaja, mirnim putem, sporazumno, u pismenom obliku.


U slučaju da se spor ne može riješiti sporazumno, nadležan je Općinski sud u Sarajevu.

Član 18.

Ovaj ugovor sastavljen je u četiri (4) istovjetna primjerka, od kojih svaka strana potpisnica zadržava po dva (2) primjerka.

ZA NARUČIOCA:

Dr. Senija Milišić, direktor




Broj: 03-01-303/17

Datum: 05.05.2017. godine



ZA IZVRŠIOCA:





BR. 72/17

05-05-17